

Baibuli ey'Abaana
Ekuleeteire



Ebigema ku Noa
n'Omwidhuzo
Ogw'amaadhi
Omukologho



Eyalughandiika ni: Edward Hughes

Eyakuba ebifaananie ebirimu ni:
Byron Unger; Lazarus

Eyalutuukania n'obweetaavu ni:
M. Maillot; Tammy S.

Eyalukyusa mu Lusoga ni: Daudi Waidhuuba

Lutuusibwa ku bantu: Bible for Children
www.M1914.org

©2012 Bible for Children, Inc.

Olukusa: Oli wa idembe okukoopolola oba okukubya mu kyapa
olufumo luno kasita oba nga toja kulutunda.



Noa yali omusaadha asinza einho Katonda. Abantu abandi boonaboona baali nga bakyagha Katonda era nga bamudheemera.



Lwali lulala Katonda yaakoba
ekintu ekikumala enviiri ku
mutwe. Era yaakikobera
Noa ati: "Nja kuzikiriza
ensi eno embi, endhu yo yonka
n'enaalokolebwa."



Katonda yalabula Noa ati: omwidhuzo
ogw'amaadhi omukologho gwidha kwidha
gughembeku ensi yoonayoona. Katonda
oyo yaalagira Noa ati: "Zimba eryato
mu mbaawo, einene erighanga
okuweeramu abantu aboomu ndhu
yo boonaboona
n'ensolo
kamaala."



Katonda yaagalagira Noa
bwenebwene bwabe alikole.
Noe yaatoolera omulimo!





Kisoboka
okuba nga abantu
baadherega Noa bwe
yabainhongolanga
lwaki yali
alikusimba

eryato.
Yaja mumaiso
nakuzimba.
Era yaja mumaiso
n'okubakobera ebigema
ku Katonda. Ghazira
yamuwulirisa.




Noa yali n'okwikiriza
okwamaani. Yaikiriza
Katonda waire nga
amaadhi gaali
tigagwangaku
einhuma ere.




Ekiseera kyatuuka,
eryato lyawa era lyaba
nga lituuse okutaamu
ebiryetaagisibwa.



Awo ensolo dhaidha. Katonda yaleeta musanvu musanvu kubika ebindi ate kubika ebindi yaaleeta ibiri ibiri.



Enhonhi enene n'obutono, obusolo obutonioli
n'endeeyiriri byangira mu lyato.



Oba katyo abantu
baakaabukira Noa nga
bamuvuma bweyali ali
kungizanga ensolo.



Tibaalekera kwonoona
mu maiso ga Katonda.
Tibaasaba kubaganha
kungira mu lyato.



Olumaliira Iwa byonabyona,
ensolo n'enhonhi byali



bimaze
okuweera
mu lyato.

Agho Katonda
yaakoba Noa

ati: "Ingira eryato.
Iwe n'abendhu yo."


Agho Noa, ni mukyala

we, ni batabane bonsatule

ni bakyala baibwe bangira mu

lyato. Katonda yaigalawo olwigi!





Olwo amaadhi
gaatoolera okugwa.
Gaayoolooka okumala
enaku amakumi ana
omusana n'obwire
gaidhuza ensi.





Amaadhi ag'omwidhuzo
gaayuyika mu bibuga
ni mu byalo.






Era
gaaja
okulekera
okugwa, nga
gabootikiire n'ensozi
nga n'okuboneka tidhikaaboneka.
Buli kintu ekyali kyetaaga
empegho okuweera kyafa.




Amaadhi bwegeeyongeranga nga eryato liseeyeeya kungulu. Oba katyo munda mwalimu enzikiza, oba eryato lyaali lyesunda, oba katyo mu lyato mwali mutiisa. Aye eryato lyaghonia Noa omwidhuzo ogw'amaadhi.



A vibrant, stylized illustration of a landscape. In the upper left, a large, bright yellow sun with rays is partially obscured by a white cloud. A multi-colored rainbow arches across the sky. Below the rainbow, a stone structure with three steps leads down to a blue body of water. The background features green hills and a blue sky. The text is written in a simple, black, sans-serif font.

Omwidhuzo gwaamala emyezi etaanu,
olwo Katonda yaagheereza empewo
ekaza. Mpolampola, eryaato lyatyama
ghaigulu mu nsozi dha Ararati. Noa
yaba mu lyato enaku edhindi
amakumi
ana nga
amaadhi
gakaika.



Noa yaatuma eikoova, n'enjiibwa kuluya ng'abibisa
mu idinisa ey'eryato eyali endhigule. Enjiibwa
bwetaafuna kifo kikalu kinhirivu mwesobola
kuwuumulira, yaira ye Noa.






Nga ghabiseegho enaku musanvu, Noa yaagezaaku. Yaagezaaku kabiri enjiibwa. Enjiibwa yaira n'eikaba eryakasebuka ery'omuti omwoliva ku munwa gwayo. Enaku musanvu edhairirira Noa yategeera ati ensi yali ekaze kuba enjiibwa tiyaira.




Katonda Yaakoba Noa ati ekiseera
eky'okuva mu lyato kituuse. Batyo
Noa n'ab'endhu ye baafulumya ensolo.



Noa atekwa okuba
nga yasiima inho!
Yaazimba alutaari
yaasinza Katonda
eyamuwonia mwene,
n'ab'endhu ye omwidhuzo
ogw'amaadhi ogwo ogwali
omubi einho era ogutiisa.





Katonda yaagha
Noa ekisuubizo
eky'ekitalo. Ati
taliirayo kabiri
okusindika omwidhuzo
ogw'amaadhi okusala
omusango

ogw'ekibi
ky'abantu. Katonda
yaagha ekiidhukizo
eky'ekisuubizo kino.
Musoke n'akamanhiso
ak'ekisuubizo kya
Katonda ekyo.



Noa
n'ab'endhu
ye baali n'okutoolera
buli kintu buyaaka
nga omwiidhuzo
ogw'amaadhi guwoire.



Ekiseera
kyatuuka
abaidhukulu be baayala
baidhuza ensi Yoonayoona.
Amaghanga ag'ensi
Goonagoona gaava mu
Noa n'abaana
be.



Ebigema ku Noa n'Omwidhuzo Ogw'amaadhi
Omukologho

Olufumo oluva mu Baibuli,
e Kibono kya Katonda,

Lwagaanibwa mu

Amainhama 6-10

"Okwinhongola omuntu ekibono kyo
kimuleetera Obutangaavu." Zabbuli 119:130



Ghano ghe
lukanga



Olufumo olwomu Baibuli luno lutukobera ku Katonda waife omulungi owekitalo eyatukola era ayenda iwe omumanhe.

Katonda aidhi nga tukola ebintu ebibi, Byayeta ekibi. Ekibonerezo olw'okukola ebibi kufa, aye olw'okuba Katonda akugonza inho yasindika Yesu, mutabane omulala ati be dengedenge, okufiira ku musalaba abonerezebwe olwebibi byo. Kabiri Yesu oyo yairamu okuba omulamu era yairayo ekaawe mu igulu! Bwoikiriza mu Yesu oyo era noomusaba akusonighe ebibi byo, akikola! Agho aja kwidha abenga mu iwe, era oidha kubanga mulamu mu ye ebyanda n'ebyanda.

Bwoba ng'oikiriza nga ago n'amazima, koba Katonda oti: Yesu Ow'ekitiisa, Ndhikiriza nga oli Katonda, era nga wafuuka omuntu okufiiririra ebibi byange, era nga buti kabiri oli mulamu. Nkusaba oidhe mu bulamu bwange, onsonighe ebibi byange, mpange okufuna obulamu obuyaaka buti, era olunaku lulala lutuuke ndidhe mbenga niwe ebyanda n'ebyanda. Nhamba okukugonderanga, era mbenga omulamu kulwa iwe ng'omwanawo. Amiina.

Somanga e Baibuli era oyogerenga ni Katonda buliidho!
Yoanne 3:16

